

重修太湖縣志序

道光丙戌秋余自鳳陽移守安慶數年
之間凡六屬邑令雖遷調事故不常然
皆以賢能助余為治是時值前撫陶張
兩大中丞暨今鄱大中丞相繼創修安
徽通志檄令各州縣一體輯修邑乘送

省志局凡以稽一方之治理上備

史館採擇焉於是太湖令山陰孫君

始輯修太湖志既成書而請序於余

余惟太湖有志其緣起本末諸舊序詳

之矣顧自乾隆二十六年前邑令吳

君重脩迄今又六十年人事繁積俗

化遷移孫君乃悉心為之稽攷文牘
網羅搜舉缺者補之謬者正之務俾
文簡事覈期於有裨治化徵信來茲
余覽其書文事粲然洵足備一邑之
文獻可以觀見其民俗風土焉輒復
略為商榷其凡例是正其文字庶幾

體裁雅正於以追媿武功朝邑諸名
編而無媿焉蓋志與史相表裏非所
記覈實無以推行諸政事若夫浮文
妨要公家害義概無取焉耳孫君
既以賢能膺

計典卓異行將去此矣而是書之留

貽於後來者得以藉手共勉為實
政豈小補也哉

道光十年庚寅季春知安慶府事

雲夢程懷璟序



此为试读, 需要完整PDF请访问: www.ertongbook.com

重修太湖縣志序

縣以太湖名自隋始地交吳楚山川清泚生其間者鍾毓靈竒涵濡

德澤磊砢英多蔚起相望宜也歲丙戌余由詞館改官斯

邑甫視事即奉

憲檄徵邑乘以資省志爰延訪補輯少益舊志上之顧時僅旬日蒐羅未備無以闡潛德而述前轡迺屬耆老與學之秀良而告之曰邑志自吳

侯重修後六十稔矣今之不
脩日引月長漸就廢墜此後
來者之責也僉曰唯又諭之
曰余浙人也初至是邦耳目
無所倚德怨無所黨惟諸君
子以鄉人輯邑志持議必公

擇言尤雅余省厥成而已僉
曰唯且申儆之日記有之其
先祖無美而稱之是誣也有
善而弗知不明也知而弗傳
不仁也諸君子慎旃僉曰唯
唯於是設局給筆札供廩餼

量材奏藝朝攷夕稽舉以十
人為程論以羣情為斷舊志
仍之不敢率更也省志宗之
不敢立異也凡三閱歲而書
告成竊嘗取而論之夫志者
志其實也若輿圖物產學校

選舉諸類無可損益惟人物
一門自儒林迄義行果名符
其實歟抑溢美歟或猶有憾
歟夫名者衆之所爭也君子
疾沒世而名不稱亦問其所
自樹立何如耳然夫子之修

春秋也善善從長惡惡從短
所以激勵風尚敦崇節義我
知湖之人斷無有冒君子之
三恥者不然苟其誣也雖諛
墓之文工而踣碑之罰彰苟
其美也雖執簡之書闕而蓋

棺之論著則謂人以志存可
也即不僅以志存亦可也至
於文詞蕪類不足以陳湖山
之風而備
國史之採余其奚辭
賜進士出身

勅授文林郎太湖縣知縣代
理懷寧縣事前翰林院庶吉
士山陰孫濟撰



重修太湖縣志

凡例

一全書爲卷四十爲志十爲目八十六特標卷首恭紀宸翰中分十志而區以小目終摭紀其次序體例一遵新修安徽通志末做上元縣志彙舊序爲志原附參校姓氏次於卷末

一志必有圖圖必有說所以紀山川之脈絡建置之本末也前志繪圖有八於縣境治山川建置不無舛錯又總繫一說體例未符今補書院考棚圖仍列爲八視前稍加訂正而皆繫之以說庶幾有條不紊

太湖縣志

凡例

一

一舊志有天文門歷考古今唯國史備載天文其通志省志郡邑志僅列星野氣候歲占地宜或有不同故並載之

一舊志先沿革而後疆域未免倒置不倫載壇廟不附寺觀亦覺區分失當且古蹟冢墓宜登輿地仙釋藝術本屬人物舊志均歸雜類義亦無取今悉遵新省志依類編次較爲畫一

一舊志山川遠近來脈多未深考茲據通志古史綜及邑人採訪冊逐加訂正按方定次依類稱名至河之發源匯合處亦詳加考核計增舊志十分之二頗爲詳備

一舊志學宮門外錯頗多兩廡儒位東西互易者各十人今遵 禮部則例詳考訂正新增從祀六人亦照部文位次各撰小傳以符體例又舊列崇聖祠於 文廟前今遵

大清會典更正祭器禮儀詳加增校並恭載

列聖訓飭士子文附以教法學額以昭

熙朝文物典章之盛焉

一武備與兵事相表裏前志僅列防汛驛傳兩門而兵事則另載兵氛茲更防汛爲兵制於驛傳增鋪遞以歷代用兵之事附焉至駐防員弁皆有地方之責舊列驛

太湖縣志

凡例

二

傳後殊覺失宜今改入職官武職一門列於文職之後以類相從庶符體例

一風俗固當紀實然必去其鄙俚者前志昏禮過鞋樣喪禮侈齋懺皆涉不經悉爲芟去至鄉鎮風土人情或昔侈而今儉或昔樸而今文地氣有遲早物產有盛衰皆據現在畧爲增損以求名實相副

一郡邑最重水利而湖邑山多水少則水利爲尤重舊志畧塘詳堰湖陂亦未深考今增入隄閘及水塘七十六口大湖原委亦務詳焉

一編載田賦恪遵賦役全書其間因時變遷互相增損

今並舊制新章備錄無遺又於戶工二部項下抽出各款列入貢品以備一門至蠲賑則附田賦徭役則附戶口而雜課鹽法積貯又所以佐正供者並增之

一舊志養濟院列公署後殊無倫次茲倣懷邑志立公局門凡邑中善舉附載焉

一舊志人物首列名賢今遵通志所定凡有事功可見者概歸宦績其他忠節儒林隱逸皆循名責實以定位置惟周淳于氏名實俱無可考僅以司空作鎮獨冠名賢殊無確見至漢梅福原籍壽春漢書本傳可考舊志以香茗山有煉丹遺蹟遂指爲湖人亦屬臆斷今併改

太湖縣志

卷

凡例

三

入隱逸庶不蹈附會失實之弊

一儒林立傳昉自史遷至宋乃判道學於儒林特以推崇性天別於訓詁茲遵省志僅登明李之讓一人以郡志舊列理學稍濫故也其餘據傳擇其尤者改入文苑孝友義行隱逸各門所餘舊志儒林亦附載之讓後不敢漏遺一人以蹈蔑古之愆

一前史列傳有獨行而無篤行惟忠義節義孝義之人稱焉君子喻義則行兼修匹夫慕義則行彌著故見義不爲直謂無勇見利思義始可成人義固範乎百行不獨好善樂施也省志特立義行採舊志儒林孝友者一

採耆壽凡五餘改篤行者居半品隲最精取裁亦審今併舊志新增統入義行不列篤行名目以昭核實

一舊志別仙釋於人物實之雜類義終未安今遵新通志以宦績爲首次忠節儒林文苑武功孝友義行隱逸耆壽方技流寓而終以仙釋亦微存輕重凡舊傳有更正處悉於各門各傳下分註省志舊志庶令閱者一目了然至新增人物亦必辨真贗嚴去取無敢或濫

一選舉貢生一途舊志不標名目易致淆亂茲遵通志首進士舉人次武進士武舉貢則分別拔副而以恩歲優附焉其有廩貢例貢概不著名薦辟增以功貢搜羅

太湖縣志

卷

凡例

四

較詳仕籍僅著雜途詳畧亦當其由貢監出身非現任候補例不登載懼濫也

一傳不及生存俟論定也惟節婦已奉

旌表特以義起其他年例久符因貧待

旌者悉採卷內以示善善從長之意

一列女舊係彙記不標小目今遵省志分節烈貞烈兩門以孝女附次節孝賢淑而以壽婦終焉

一歷代編年之法綱目有大書有分註明統系也舊志一例大書使偏安與正統混淆茲於學宮兵事各門諸無統者改用分註體例一遵朱子

一藝文列傳及一切紀事之詞創自前人不致輕議其
間有未妥及應敬避字樣必細加改竄以昭慎重
一舊志採取各體詩賦樂府民謠均以切於邑中風化
者始得登入茲仍倣其例而增以時賢佳製其有大著
作如王大樞天山賦創體如石龐雪賦迴文及集字遊
春賦亦附載卷內以備一格非擅改前人例也若乃聞
見不廣搜討未賅疏漏之譏夫復何辭

纂修姓氏

總裁

安慶府知府今陞江蘇上海道程懷璟

安慶府知府劉韻珂

主修

太湖縣知縣代理懷寧縣事卓異候陞孫濟

署太湖縣知縣候補知縣周之錦

署太湖縣知縣候補同知裘恩澍

纂修

癸酉科拔貢充國史館謄錄官議敘布政司經歷陳烈

太湖縣志

纂修姓氏

一

叅閱

前太湖縣教諭黃嘉銓

前太湖縣訓導秦雄濤

校訂

太湖縣教諭議敘加一級方士鼐

太湖縣訓導徐閻

協修

邑舉人山東新城縣知縣李振先

分修

邑廩監生雷之沅

邑廩貢生前署穎州府教授韋光輝
前任貴州思州府知府候補道李長根
邑廩貢生候選訓導李振榮
邑拔貢生劉顯箋
邑廩貢生前署休寧縣教諭路步蟾
邑耆者士葉澤沛

分校

邑生員張之銘
邑增生韋允標

督梓

太湖縣志

纂修姓氏

二

前太湖縣典史保薦候陞吳春曜
署太湖縣典史候補吏目楊恩慶

經理

邑生員李長魁

邑附貢生韋光第

邑增貢生韋光華

邑監生孟繼偉

邑監生路謀學

邑監生候選理問蔣勸

邑監生余啟福

邑 監生 候選 理問 曹福恒

邑 監生 王 煊

邑 增 生 周知白

邑 監生 山東 候補 縣丞 韋光漢

邑 生 員 張丁地

邑 廩 生 周廷瓚

邑 監 生 李振焯

邑 職 員 李振璜

邑 附 貢 生 曹增禧

邑 廩 貢 生 試用 訓導 路步墀

太湖縣志

纂修姓氏

重修太湖縣志目錄

序 凡例 纂修姓氏

卷首

宸翰

輿圖 并圖說

卷一

輿地志一

星野 氣候 歲占附

卷二

輿地志二

太湖縣志

卷

目錄

疆域 沿革 形勢

卷三

輿地志三

山川 風俗

卷四

輿地志四

城池 公署 公局附

卷五

輿地志五

津梁 鄉鎮坊表附